

Na osnovu člana vazanim za član 126, paragraf 2, tačka c) Zakon o visokom obrazovanju (*Službene novine Kantona Sarajevo*, broj 22/2010) i SSST Statuta, Senata Univerziteta Sarajevo School of Science and Technology University je usvojio dana 17.04.2013.godine:

PRAVILNIK O STIPENDIRANJU STUDENATA

UNIVERZITETA SARAJEVO SCHOOL OF SCIENCE AND TECHNOLOGY

I

Ovim Pravilnikom o stipendiranju studenata Univerziteta Sarajevo School of Science and Technology (u daljem tekstu: Pravilnik) uređuju se uvjeti, kriteriji i postupak za dodjelu stipendija, prava i obaveze primatelja i davatelja stipendija, kao i druga pitanja od značaja za dodjelu stipendija, počev od akademske 2013/2014. godine.

II

Kriteriji na temelju kojih se provodi odabir za dodjelu stipendija za nadarene kandidate su sljedeći:

1. uspješno položen prijemni ispit;
2. uspjeh u prethodnom školovanju;
3. sudjelovanje i uspjeh na natjecanjima;
4. objavljeni radovi, osvojene nagrade;
5. potreba za finansiranjem ili ko-finansiranjem školarine ocjenjena na osnovu visine mjesečnih primanja, pripadnosti ugreženoj kategoriji stanovništva, i sl.

III

Svi kandidati koji apliciraju za upis na Fakultete Univerziteta SSST u akademskoj 2013/14.godini mogu podnijeti zahtjev za dodjelu jednogodišnje stipendije (parcijalne ili pune), pod uslovima propisanim ovim Pravilnikom, a po objavljenom Konkursu za dodjelu stipendija (u daljem tekstu: Konkurs) na web stranici Univerziteta SSST.

Formular za dodjelu stipendija (sastavni dio ovog pravilnika) sa pratećom dokumentacijom aplikanti dostavljaju na protokol SSST-a, na način i u rokovima koji su propisani Konkursom.

IV

Postupak izbora kandidata po Konkursu provodi Komisija za provođenje konkursa za dodjelu stipendija.

Komisija za dodjelu stipendija je dužna razmotriti sve prispjele zahtjeve i utvrditi rang listu kandidata prijavljenih na Konkurs, najkasnije mjesec dana po isteku roka za podnošenje aplikacija za stipendije.

V

Kandidat čija je molba za stipendiju pozitivno riješena, stiče pravo na stipendiju nakon potpisanog Ugovora o stipendiranju između stipenditora i stipendiste, kojima se regulišu međusobna prava i obaveze.

Trajanje stipendije (parcijalne ili pune) ugovara se za jednu akademsku godinu.

Visina stipendije za studente utvrđuje se na osnovu gore navedenih kriterija za dodjelu stipendije i iznosa planiranih sredstava.

Ako student prekrši bilo koju od svojih obaveza preuzetih ugovorom o stipendiranju gubi pravo na dodjeljenu stipendiju.

Student takođe gubi pravo na dodjeljenu stipendiju ako se naknadno utvrdi da je učenik ili student prilikom prijave na konkurs za stipendiranje dao lažne podatke ili priložio lažne isprave.

VI

Pravo na nastavak stipendije stiče se upisom u narednu akademsku godinu, a pod uslovima:

- a) Da je student ostvario prosječnu ocjenu položenih ispita najmanje 9.0,
- b) Da se student dosljedno pridržava i uredno izvršava sve studijske i disciplinske obaveze propisane Pravilima Univerziteta SSST, u skladu sa najvišim standardima,
- c) Da student svojim djelovanjem i ponašanjem reprezentativno promoviše vrijednosti Univerziteta SSST.

Propisani uslovi pod a i b iz ovog člana moraju biti kumulativno ispunjeni.

VII

Student koji je ostvario pravo na parcijalnu stipendiju, a u narednoj akademskoj godini želi da aplicira za puni iznos stipendije i ukoliko ispunjava sve propisane uslove iz ovog Pravilnika, potrebno je da se pismenim zahtjevom obrati Dekanu svog matičnog Fakulteta.

Rok za podnošenje ovog zahtjeva za narednu akademsku godinu je kraj posljednjeg semestra tekuće akademske godine.

O zahtjevima ovakve vrste odlučivaće Komisija za dodjelu stipendija, u svakom slučaju posebno.

VIII

Ovaj Pravilnik stupa na snagu danom donošenja.

Broj: 272-SSEG/13

Sarajevo, 17.04.2013. godine

Rektor:

Prof.dr. Ejup Ganić